



www.qbz.gov.al

FLETORJA ZYRTARE E REPUBLIKËS SË SHQIPËRISË

Botim i Qendrës së Botimeve Zyrtare

Viti: 2016 – Numri: 239

Tiranë – E martë, 13 dhjetor 2016

PËRMBAJTJA

		Faqe
Vendim i Këshillit të Ministrave nr. 835, datë 23.11.2016	Për disa ndryshime dhe shtesa në vendimin nr. 395, datë 29.4.2015, të Këshillit të Ministrave, “Për miratimin e Programit Kombëtar të Praktikave të Punës në administratën shtetërore dhe institucionet e tjera publike”.....	24359
Vendim i Këshillit të Ministrave nr. 845, datë 7.12.2016	Për miratimin e Raportit Kombëtar për zbatimin e konventës ndërkombëtare të OKB-së “Për mbrojtjen e të drejtave të të gjithë punëtorëve migrantë dhe anëtarëve të familjeve të tyre”.....	24359
Vendim i Këshillit të Ministrave nr. 846, datë 7.12.2016	Për krijimin e bazës të të dhënave shtetërore të Policisë së Shtetit për menaxhimin elektronik të gjobave (E-gjoba).....	24339
Vendim i Këshillit të Ministrave nr. 847, datë 7.12.2016	Për kalimin në pronësi, nga Ministria e Kulturës (Qendra Ndërkombëtare e Kulturës “Arbnori”) të Bashkia Tiranë, të pronës me numër pasurie 1/53, të ndodhur në zonën kadastrale 8160, me sipërfaqe trualli dhe ndërtese 4294 m ² , dhe për një ndryshim në vendimin nr. 286, datë 8.8.1991, të Këshillit të Ministrave, “Për krijimin e Qendrës Ndërkombëtare të Kulturës”.....	24400
Vendim i Këshillit të Ministrave nr. 848, datë 7.12.2016	Për krijimin e shoqërisë “Albgaz” sh.a. dhe përcaktimin e Autoritetit Publik që përfaqëson shtetin si pronar të aksioneve të shoqërive “Albpetrol” sh.a. dhe “Albgaz” sh.a.....	24402
	Korrigjim gabimi në vendimin nr. 756, datë 26.10.2016, “Për disa ndryshime dhe shtesa në vendimin nr. 280, datë 1.4.2015, të Këshillit të Ministrave, “Për përcaktimin e kriterëve, procedurave e dokumentacionit të zbatueshëm për të kualifikuar ndërtimet pa leje, shtesa anësore dhe/ose në lartësi, në ndërtime me leje”, botuar në Fletoren Zyrtare nr. 205/2016, datë 3.11.2016.....	24403

Aplikant: Alketa Miso



VENDIM
Nr. 848, datë 7.12.2016

**PËR KRIJIMIN E SHOQËRISË
 “ALBGASZ” SHA DHE PËRCAKTIMIN
 E AUTORITETIT PUBLIK QË
 PËRFAQËSON SHTETIN SI PRONAR
 TË AKSIONEVE TË SHOQËRIVE
 “ALBPETROL” SHA DHE
 “ALBGASZ” SHA**

Në mbështetje të nenit 100 të Kushtetutës, të neneve 36, pikat 2 e 5, 50, pikat 2 e 4, 57 e 80, të ligjit nr. 102/2015, “Për sektorin e gazit natyror”, dhe të nenit 4, të ligjit nr.7926, datë 20.4.1995, “Për transformimin e ndërmarrjeve shtetërore në shoqëri tregtare”, të ndryshuar, me propozimin e ministrit të Energjisë dhe Industrisë dhe të ministrit të Zhvillimit Ekonomik, Turizmit, Tregtisë dhe Sipërmarrjes, Këshilli i Ministrave

VENDOSI:

1. Shkëputjen e njësisë së gazit nga shoqëria “Albpetrol” sh.a. dhe krijimin e shoqërisë “Albgasz” sh.a., me kapital 100 % shtetëror.

2. Shoqëria “Albgasz” sh.a., duhet të funksionojë si një operator i kombinuar duke kryer veprimtarinë e Operatorit të Sistemit të Transmetimit dhe Operatorit të Sistemit të Shpërndarjes të gazit natyror.

Kapitali fillestar për krijimin e shoqërisë “Albgasz” sh.a., të jetë 359 068 000 (treqind e pesëdhjetë e nëntë milionë e gjashtëdhjetë e tetë mijë) lekë. Kjo vlerë e kapitalit fillestar përfaqëson vlerën me të cilën do të zvogëlohet kapitali i shoqërisë “Albpetrol” sh.a., pas shkëputjes së njësisë së gazit, në përputhje me urdhrin nr. 550/3, datë 5.5.2016, të ministrit të Zhvillimit Ekonomik, Turizmit, Tregtisë dhe Sipërmarrjes, “Për sistemimin e kapitalit të Albpetrol sh.a.”.

3. Autoriteti publik, që përfaqëson shtetin si pronar të 100% të aksioneve të shoqërisë “Albgasz” sh.a., është Ministria e Zhvillimit Ekonomik, Turizmit, Tregtisë dhe Sipërmarrjes.

4. Ministria e Energjisë dhe Industrisë ushtron të drejtat mbi shoqërinë “Albgasz” sh.a., në përputhje me parashikimet e ligjit nr. 102/2015, “Për sektorin e gazit natyror”, dhe fushën e tij të përgjegjësisë shtetërore.

Faqe | 24402

5. Autoriteti publik, që përfaqëson shtetin si pronar të aksioneve të shoqërisë “Albpetrol” sh.a., është Ministria e Energjisë dhe Industrisë.

6. Ministri i Zhvillimit Ekonomik, Turizmit, Tregtisë dhe Sipërmarrjes dhe ministri i Energjisë dhe Industrisë, brenda 30 (tridhjetë) ditëve nga data e hyrjes në fuqi të këtij vendimi, ndjekin procedurat e nevojshme, për:

a) regjistrimin e zvogëlimit të kapitalit të shoqërisë “Albpetrol” sh.a., transferimin e vlerës së kapitalit të zvogëluar te shoqëria “Albgasz” sh.a., si dhe përmbylljen e procedurave për regjistrimin e shoqërisë “Albgasz” sh.a., në Qendrën Kombëtare të Biznesit;

b) emërimin e anëtarëve të Këshillit Mbikëqyrës të shoqërive “Albgasz” sh.a. dhe “Albpetrol” sh.a., duke respektuar kufizimet e përcaktuara në ligjin nr. 102/2015, “Për sektorin e gazit natyror”.

7. Me regjistrimin në QKB, shoqëria “Albgasz” sh.a., të aplikojë pranë Entit Rregullator të Energjisë për certifikim, si operator transmetimi, sipas procedurave të përcaktuara në nenin 37, të ligjit nr. 102/2015, “Për sektorin e gazit natyror”, si dhe për pajisjen me licencë për transmetimin e shpërndarjen e gazit natyror, në përputhje me procedurat e përcaktuara në nenet 22, 23 dhe 24, të ligjit nr. 102/2015, “Për sektorin e gazit natyror”.

8. Aktiviteti i shoqërisë “Albgasz” sh.a., për periudhën nga krijimi i saj deri më 31 dhjetor 2017, të financohet nëpërmjet fondeve që do të sigurohen nga marrëveshja e huas, e lidhur me shoqërinë “Albpetrol” sh.a. dhe/ose fondet që siguron mbi bazën e marrëveshjeve me institucione financiare dhe/ose donatorë vendas apo ndërkombëtarë.

9. Ngarkohen Ministria e Zhvillimit Ekonomik, Turizmit, Tregtisë dhe Sipërmarrjes, Ministria e Energjisë dhe Industrisë dhe shoqëria “Albpetrol” sh.a., për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

Alketa KISO